

SARS YI AMUKELA AHLULO WA KHOTO MAYELANA NA KHEYISI YO NCINCA NAWU EHENHLA KA BANGI YA SASFIN

Tshwane, 7 Hukuri 2025 – Vukorhokeri bya Xibalo bya Afrika-Dzonga (SARS) byi humesile masamanisi ma R5.3 billion ehenhla ka Sasfin Bank Limited (Sasfin Bank) eka Xiyenge xa Gauteng xa Khotokulu, Pretoria hi ti 22 N'wendzamhala 2023. Xikongomelo xi xakelana na endlelo ro biha leri ehleketeleriwaka ra Sasfin eku pfuneteni ka vahakelaxibalo ku rhumela timali hi ndlela leyi nga riki enawini ku suka laha tikweni. Sasfin yi lemukile swiwelo swa xinawu eka vuxokoxoko bya xikoxo xa SARS hi Nyenyankulu 2024. Mhaka ku phikisaniwile hi yona ekhoto hi ti 9 Nhlangula 2025. SARS yi amukela ahlulo lowu nyikiweke hi ti3 Hukuri 2025.

Khoto yi khomile swiwelo swa Sasfin eka swiyimo swin'wana no swi bakanyela etlhelo mayelana na swin'wana. Xiwelo xi khomiwile ra masungulo eka xiyimo xa leswaku khoto yi khomile rimba ra xinawu (leri katsaka Nawu wa Tibangi, FICA, na Swinawana swa Ndzawulo wa Ncincano) a ri tlakusi muxakaxibalo wa nawu wa phurayivhete wa nhlayiso lowu kolotiwaka SARS na vakolotisi van'wana. Nkumo lowu wu fambela eka ndhawu ya nhlamuselo ya xinawu handle ko kombeta nkayivelo. Tanihi xiphemu xa xikoxo xa yona, SARS yi lava lemuko wa muxakaxibalo wa swa xinawu wa nawu wa ntolovelo: ku nga muxakaxibalo eka vaxavisi lava pfumeleriweke ku nga ri ku vanga mbaviseko wa swa timali eka SARS hi ku nkongoma kumbe ku nga riki hi ku kongoma ku fambisa rhumelo lowu nga riki enawini wa timali leti hakerisiwaka xibalo leti nga tivisiwangiki.

Xiwelo xi bakanyeriwe etlhelo mayelana na elemente ya nhlangano wa munhu na xiendlo xo vavisa na nkaneto eka xikoxo xa le tlhelo. SARS yi teka leswi tanihi ku humelela ka nkoka tanihileswi khoto yi nga tiyisisa leswaku SARS yi na mfanelo ya xinawu ya endlelo ehansi ka xiyenge xa 278 xa Nawu wa Xinawana wa Sekithara ya swa Timali (FSRA) eka milahlekelo leyi ku hlanganiweke na yona hi mhaka ya mitlulanawu ya milawu ya sekithara ya swa timali. Ku bakanyeriwa etlhelo ka xiwelo xa Sasfin Bank eka xikoxo xa xinawu xa SARS ku tiyisisa leswaku xikoxo xa le tlhelo xa SARS ehansi ka FSRA xi koxiwile kahle naswona xi nga ya eka ntengo. Ahlulo wu tiyisisa mbevukisaxinawu wo vonaka wo tirhana na milahlekelo leyi sukaka eka mitlulanawu ya milawu ya sekithara ya swa timali na mavandla man'wana.

Mbevukisaxinawu lowu i ku humelela eka SARS no va swa nkoka swinene eka vaaki va le Afrika-Dzonga, tanihileswi swi tiyisisaka matshalatshala lama nga kona ku endla leswaku mavandla ma swa timali ma tihlamulela eku fambiseni ka mikhuluko ya swa timali leyi nga riki enawini. "Ndzi tshama ndzi tsundzuxa mavandla ma swa timali ku tlurisa nhlamulo ya vulantzelelanawu byo lala loko ku vikiwa tithiransakixini leti ehleketelerisaka eka Senthara ya Vunhlori bya swa Timali" ku vurile Khomixinara Kieswetter, "no fambisa mixungeto yo tiyisisiwa leyi vangiweke hi tithiransakixini leti nga tekiwaka ku va tiri leti ehleketelerisaka". SARS yi ta anakanya mihlawulo ya yona, ku katsa no hundzuluxa swikoxo swa yona tanihilaha swi pfumeleriweke ha kona hi Khoto, kumbe ku endla xikombelo xa mpfumelelo wo aphila ahlulo eka Khoto ya le

Henhla ya Aphili. Ahlulo wu seketela vutiyimiseri lebyi SARS yi byi tshunelelaka vutinyiketeri bya yona ha kona ku sirhelela nkwama wa Afrika-Dzonga na ntsakelo wo anama wa mani na mani.

SARS yi langutisa ahlulo lowu tanihi goza ra nkoka eku hlamuseleni ka vundlalelano bya xinawu mayelana na vutihlamuleri bya mavandla ma swa timali na swintshuxo leswi nga kona eka SARS.

Mayelana na vuxokoxoko byo tala u komberiwa ku tihlanganisa na SARSMedia@sars.gov.za.

MAKUMU